

經心書院與地學課程

一
冊

戊戌遊記

光緒二十三年歲在戊戌正月二十八日余以朝
考赴都途中所歷如湖北爲昔年游學地金陵亦嘗
一往自此益東若金焦若狼福則名勝險要在大江
者由上海換輪舟抵塘沽屬直隸天津縣凡海濱成山之罅
各處值風靜水波不興瞭望昭昭在目住京師數

月城內嘗遊陶然亭廣濟寺寺旁有李西涯故居西涯

茶陵州人諡文正名東陽城外至西山碧雲寺中過圓明園

頤和園諸地皆勿促未暇紀述茲季秋出都決計由

陸路遠入秦蜀始歸。將以覽山川。阨塞險易。藉諳風俗。人情物產。謹按日登而記之。欲得其實。可望有用。於世。辭不嫌瑣。嫌俚。

九月初一日。自京師開車。啟行三十五里。抵長新店。

宿

晴後凡不注者倣此

前入都。在閏三月望前一日。由航海至塘沽登岸。乘

火車抵馬家鋪。換民車入外城永定門。

時火車至馬家鋪止。由永

定門直入。爲正陽門入內城。再進則爲紫禁城。乾清門各宮殿。

此次出都。本欲瞻

孔林。登泰岱。以山東前苦河決。路尙多濕。改向河

南前發初自寶慶會館草廠五條胡同折入驢馬市

大街循之西出廣甯門

都人稱曰彰義門具詳析門津日記曰下舊聞考諸書

右城內有二高塔車夫以官路皆石難走取便由右

土路行至將近盧溝橋始會官道

出都城外右望爲西山一帶左望則

曠野平原直抵海濱如形家所謂邊陰邊陽來朝諸水均自天津入海亦見前面堂垣低平水因以聚

盧溝橋距都城三十里以石爲之始建自完顏金章

宗世曰盧溝者以水黑名

今水色異是

其水昔曰無定河

又曰渾河今改號永定河也上源係古桑乾河出山

西朔州洪濤山水源甚遠北地水利未修時以泛溢

爲患

友人言左文襄公宗棠曾以親隨橋特寬長砌

石皆鉅

一統志其長二百餘步

兩旁青石闌干柱頭爲蹲獅形

渾河記嘗載橋左右欄楯刻石河廣與吾寶慶郡城

爲獅凡一百狀數之輒隱其一

北資水相近第淺而不深橋兩頭各建御碑亭二

向聞人云水小橋狹此是誤以他處小水小橋當之

之故廬溝橋北有城甚峻

創築在明崇禎時初曰爲拱北本朝改曰拱極

京師南面迫近屏翰

設有巡檢遊擊各員并西路捕盜同知亦駐此未過

橋之先地脈皆自西山發來遠與邊外大青山陰山

相接既過橋後地脈則自恆山迤邐而至

途中所見各脈皆純

黑無白古人遼東五里抵長新店車夫卽宿於此車夫云此處猶然北人俗呼掌包此次因歲不豐食物翔貴車價最昂由順天至河南省城計銀二十二兩有奇聞往時或不及其半

初二日西南行九十五里宿涿州城北州以上屬順天府

侵晨發長新店二十五里傍良鄉縣左城根過樂毅墓一

統志引皇甫鑒城豕記在良鄉縣南三里良鄉春秋時爲燕中都宋宣和

中屬燕山府又二十五里息寶店早餐店爲寶十郎

禹鈞故里董恂永陵祇謁筆記謂此爲燕樂毅宋寶禹鈞故里第一統志於寶氏莊一載在

薊州東三里曰寶禹鈞故里一載燕山寶氏莊在昌平州東山口內二里禹鈞家富或其後居不一處

禹鈞行義樂善詳范文正公遺集寶諫議錄再數里

有無水小石橋三拱士人呼曰小盧溝橋凡十五里

過古聖水今稱琉璃河金史舊謂劉李河也

欽定大清一

統志琉璃河源出房山縣西北東南逕良鄉縣西南又東南逕涿州東

石橋亦壯麗可

觀又三十里過巨馬河河卽涑水

水道提綱巨馬河卽涑水古桃水也

源出山西廣昌縣北厓古塔至涿州西南折而東北經州城北

有石橋較小申刻抵

涿州城北過永濟橋橋旁有

御記碑亭涿州爲古

涿鹿之野漢曰涿郡唐爲范陽城以重鎮中有牆隔

而二之城內二塔甚高至其下有老嫗云塞不可登

因返城北左有土礮臺高出城身陟其巔城內外歷
歷可辨外城門有聯云日邊衝要無雙地天下繁難
第一州此可得涿州大概又月城內聯云薊門鎖鑰
今冠蓋河朔膏腴古督亢則以城東南有古燕督亢
陂地此從一統志詳見順天府內督亢陂下方輿紀要則作西南是晚卽宿城北
於店外購食二紅菱果色紅味甘毫無細筋皮薄於
紙膏腴之語非虛

初三日西南行八十里宿保定府屬定興縣北河市

天明自涿州城北啟行十五里見路旁老廟階樹二

豐碑一題漢昭烈帝故里一題漢張桓侯故里市人

云此廟卽張氏家祭處陶文毅公蜀輶日記稱其旁

居人多張姓亦自云侯裔又按顧氏讀史方輿紀要

載昭烈帝所生樓桑村在州西南十五里

一統志同水經注督

亢溝水東逕涿縣酈亭樓桑里南卽劉先主舊里

此處地望亦合再五里爲

忠義店文毅以忠義店在出城五里誤再二十五里

至高碑店早餐未至數里時車夫並以官路阻水換

行小路疑此卽五代北宋史載之歧溝

歧亦作奇作祁紀要

謂溝在涿州西南四十里可見

宋曹武惠王彬伐契丹敗績於此此以太

宗好自用委任不專使然再二十五里過保定府所
太宗自是不及太祖遠甚

屬之定興縣城左定興爲昔范陽縣地再行十里抵

北河市北與白音相近以是處卽白溝河也第市中

官張告示亦皆作北河一統志白溝河俗又街旁樹名北河是相沿已久

有楊椒山先生墓道碑詢其墓在隔河二里許地曰

東引村墓道碑對面建有先生祠拜瞻遺像面白皙

而豐微長朱衣朱履冠明代冠祠始建於明張鳳翔

此則國朝定興令趙錫蒲重修大門刻有聯云此

事先生真有膽當時閣老竟何心爲陶文毅公澍所

題句同治七年左文襄公宗棠過此書而懸之出祠

後雅欲至東引村敬熱辦香墓前值日已酉入末由

往返因止是晚卽宿祠外相對市店案相山先生本容城人墓舊在

容城縣東以明萬歷三年遷此見一統志

初四日西南行百一十里宿省會保定府城北

晨起自北河市南發十里入安肅縣界又二十里過

故城鋪案安肅縣西二十五里有遂城廢縣爲楊延

昭汲水灌城成冰以卻契丹處延昭太原楊業之子人稱楊六郎者宋

置威鹵軍於此當時有銅梁門鐵遂城之稱一統志梁門砦

縣治 今安肅

又三十里。停安肅縣城外。縣東北有古長城。

遺墟。戰國時燕趙在此分界。又二十五里。過漕河南。

岸慈航寺頗壯麗。火磚牆內松柏大樹甚夥。昔方恪。

敏公觀承徵時寓此。後官直督。因增飾之。又二十五

里。抵保定府城北。府直隸省會。總督治焉。自辦理洋

務。建行臺於天津。近常駐。彼不歸。保定徒存省會虛

名。附郭清苑縣。因清苑河得稱。

一統志清苑河源出滿城縣一畝雞距二

泉東南流繞府城南又東與方

順河合卽古盧水亦名沈水凡外省多兩首縣。江

蘇且三直隸近畿祇此一縣。北地事簡可見。保定宋

曰保州僖祖順祖翼祖三陵并葬清苑縣東南御城

西北

見一統志

今案自涿州來地盡平坦至此地形地勢

始特見分合起伏地脈緣是特佳宋初與遼分界在前定興縣白溝河此處常爲重地易州旣失更廣植樹木以限敵騎自童貫以閹宦將兵盡行斫伐金人遂南下無阻大抵北地溝洫旣廢戎馬易於馳騁不得已以樹相拒亦屬良法觀今吉林等處柳林可以想其遺制是日宿店本早甚思進城一觀並緬吾郡先達劉武愼公長佑督直遺轍以店狹人眾擾擾鮮

暇遂止

初五日西南行百二十里宿定州直隸州境清風店

晨自保定府發二十五里至大吉店入滿城縣界又

三十五里抵方順河橋早餐

一統志橋在滿城縣南五十里隋開皇間建長

十五丈

本

方順河一名祁大一日順水光武帝破

銅馬五幡賊於順水乘勝逐北敗投崖下賴王豐授

馬始免卽此水也水源發自完縣初以本向城北曲

而南流因曰曲逆漢章帝改稱蒲陰後人又改方順

以爲曲逆之反

漢高封陳平爲曲逆侯故城在今完縣東南完縣距滿城縣治四十里分

界但二一又三十里經望都縣城左望都本名慶都以

堯帝母慶都名城內東南有堯母廟其中大塚卽堯

母之陵乾隆十一年車駕因幸五臺山始改今名

復漢之舊一統志望都山漢書張晏注望都縣堯山在北堯母慶都山在南登堯山見都山故

以爲名後漢書都國志堯山望都山相去五十里今案蜀輜日記引張晏語係有誤字此宜以原書校之

方得以上屬保定府轄又十五里抵清風店宿則入定

州直隸州境

初六日西南行百三十里宿正定府附郭正定縣境伏

城驛

四更自清風店啟行。是晨始有霧。十五里渡唐河。河

卽澧水。源出山西大同府屬靈邱縣。一統志由倒馬關流入。逕完縣

西北唐縣西南界。又東南過定州入望都縣南界。又逕祁州南會沙滋二水。又十五里至

定州直隸州城。天始明。定州春秋時爲鮮虞國地。戰

國時爲中山。或云州以今西門內之土阜得名。旁有

漢中山靖王墓。靖王景帝子。有子百二十餘人。昭烈

帝其苗裔。後燕慕容垂都此。今其城猶特宏闊。所過

之門均係三層。他處所未見也。州西據倒馬關。東通

瀛海。形勢爲河北雄區。又二十五里過正定府屬新

樂縣城東城後頗山脈隱隱隆起成帝時中山孝王
爲其母作樓閣於此因名西樂里後人易之以新陶
文毅謂譌西爲新則恐未然旋過沙河卽一名派河
者見一統志其水來自山西流經新樂定州至唐臨
祁州東南三岔口與施滋二水會歸豬龍河唐臨
淮王李光弼嘗敗賊史思明於此河寬而不深是時
驟負車行水中以渡車後箱稍沾溼喜於箱內物未
甚礙又三十餘里過滋河亦名資河土人呼曰新樂
臺縣東界烏牛山北麓經靈壽縣更闊更淺車不稍
北行唐縣南又東南經眞定府北停又十餘里宿正定縣境伏城驛名以伏羲生此得